

S294

1285

1部22

長沙歌括
下



長沙方歌括卷五

寒閨長樂陳念祖修園著

長男蔚古愚擬註

次男元犀靈石叅訂

孫男心典全校字

陽明方

猪苓湯

治渴欲飲水小便不利脈浮發熱者主之

猪苓一兩

茯苓一兩

澤瀉一兩

滑石一兩

阿膠一兩

長沙方歌括卷五陽明方



右五味以水四升先煮四味取二升去滓內阿膠烱消
溫服七合日三服

歌曰澤膠猪茯滑相連咳嘔心煩渴不眠煮好去渣膠後
入育陰利水法兼全

述此湯與五苓之用有天淵之別五苓散治太陽人本
太陽司寒水故加桂以溫之是煖腎以行水也此湯治
陽明少陰結熱二經兩關津液惟取滋陰以行水蓋傷
寒表證最忌亡陽而裏熱又患亡陰亡陰者亡腎中之
陰與胃之津液也若過於滲利則津液反致耗竭方申



阿膠卽從利水中育陰是滋養無形以行有形也故在
景云汗多胃燥雖渴而裏無熱者不可與也

蜜煎導方

治陽明病自汗出若發汗小便自利者此爲津液內竭
大便雖鞭不可攻之當須自欲大便宜蜜煎導而通之
若土瓜根及與大猪膽汁皆可爲導也

內臺方
原文

蜜

七合

一味於銅器內微火煎之稍凝如飴狀攪之勿令焦著
欲可丸併手捻作挺令頭銳大如指長二寸許當熱時



急作冷則鞭以內穀道中以手急抱欲大便時乃去之

著字正韻直略切黏也

猪膽汁方

大猪膽一枚瀉汁和醋少許以灌穀道中如一食頃當

大便出宿食惡物甚效

原本無宿食一句近本增之必有所據

歌蜜煎熟後樣如飴溫納肛門法本奇更有醋調膽汁

灌外通二法審誰宜

薦按津液內竭便雖鞭而不宜攻取蜜之甘潤導大腸之氣下行若熱結於下取猪爲水畜以制火膽爲甲木



以制土引以苦酒之酸收先收而後放其力始大其宿食等有形之物一下而無形之熱亦蕩滌無餘矣

按肉臺方云將蜜於銅器內微火煎之稍凝似飴狀攪之勿令焦滴水中堅凝可用蘸皂角末捻作挺以猪膽汁或油潤穀道內之少頃欲大便乃去之又猪膽汁方以猪膽汁二枚以小竹管插入膽口留一截用油潤內入穀道中以手將膽捻之其汁自內出一食頃當大便下又用土瓜根削如指狀蘸猪膽汁內入穀道中亦用

茵陳蒿湯



治陽明病發熱汗出此爲熱越不能發黃也但頭汗出身無汗劑頸而還小便不利渴欲飲水漿者此爲瘧熱在裏身必發黃此方主之

又傷寒七八日身黃如橘子色小便不利腹微滿者此方主之

茵陳蒿

六兩

梔子

十四

大黃

二兩
去皮

右三味以水一斗先煮茵陳減六升內二味煎取三升去滓分溫三服小便當利尿如皂角汁狀色正赤一宿腹減黃從小便去也

歌二兩大黃十四枚茵陳六兩早煎宜身黃尿短腹微

滿解自前陰法最奇

柯韻伯曰太陽陽明俱有發黃證但頭汗出而身無汗

則熱不得外越小便不利則熱不得下利故瘀熱在裏

而發黃按太陽之發黃乃太陽之標陽下合太陰之濕氣陽明之發黃亦陽明之燥熱而合太陰之濕

化若止病本氣不合太陰則不發黃故曰太陰者身當發黃若小便自利者不能發黃也張介誥之說最妙

然裏有不同肌肉是太陽之裏當汗而發之故用麻黃

連軹赤小豆湯按柯韻伯移此方於太陽篇亦有見心解然原本係是陽明聖經必不可更改

胸是太陽之裏陽明之表當寒以勝之故用梔子蘗皮



湯乃清火法，腸胃是陽明之裏，當瀉之於以故立本方是逐穢法。茵陳、梔、枳、白方之色經冬不凋，傲霜凌雪，偏食大寒之氣，故能除熱邪，留結率梔子以通水源，大黃以調胃實，令一身內外瘀熱悉從小便而出，腹滿自減，腸胃無傷，乃合引而竭之之法。此陽明利水之聖劑也。又按仲景治陽明渴飲有三法：太陽篇之五苓散微發汗以散水氣者，不與焉；若大渴煩躁，小便不利者，白虎湯加參、清火而生津脈浮發熱，小便不利者，猪苓湯滋陰以利水，苦小便不利而發黃腹滿者，茵陳湯以泄熱，合

黃從小便出病情治法胸有成竹矣竊思仲景利小便
必用氣化之品通大便必用承氣之品以小便由於氣
化也茲小便不利不用二苓者何本論云陽明病汗出
多而渴者不可與猪苓湯以汗多胃中燥猪苓湯復利
小便故也須知陽明汗出多而渴者不可用則汗不出
而渴者津液先虛更不可用明矣此主以推陳致新之
茵陳佐以屈曲下行之梔子不用枳櫟以承氣與芒硝
之峻利則大黃但能潤腸泄熱緩緩而行故必一宿而
腹始減黃從小便去而不由大腸去仲景立法之奇匪



彝所思耳

麻仁丸

治跌陽脈浮而濇浮則胃氣強濇則小便數浮濇相搏

大便秘難其脾為約此方主之

麻仁二升枳實牛觔

枳實牛觔

大黃一觔去皮

厚樸一尺去皮炙

杏仁一升去皮炙

右六味為末煉蜜為丸如梧桐子大飲服十丸漸加以

知為度

歌一升杏子二升麻枳芍半觔可誇黃樸一觔丸飲



下緩通脾約是專家

一本厚樸亦是一飭

男

元犀

按脾爲胃

行其津液也

今胃熱而津液枯

脾無

所行而爲窮約故

取麻仁杏仁多脂之物以潤燥

芍藥苦泄之藥以破結

枳實厚樸順氣之藥以行滯

以

蜜爲丸者治在脾而取緩欲脾不下泄其津液而小便

數已還津液於胃中而大便難已也

蘇按古今權量尺寸不同攷之內臺方麻仁四兩杏仁

六兩芍藥枳實各三兩厚樸三兩大黃八兩蜜丸如梧

桐子大熱水下五十丸

陽明方

梔子蘗皮湯

治傷寒身發黃熱

梔子十五枚 甘草一兩 黃蘗一兩

右三味以水四升煮取一升半去滓分溫再服

歌裏鬱業經向外驅身黃發熱四言規身黃發熱之外無他證之草

須一兩二黃蘗十五枚梔不去皮

麻黃連軀赤小豆湯

治傷寒發熱在裏身必發黃此

麻黃二兩 連軀二兩 赤小豆一升 甘草二兩 大棗十二枚



生梓白皮

一升一木一斤內臺三兩

杏仁

四十枚去皮尖

生薑

一兩

右八味以潦水一斗先煮麻黃再沸去上沫內諸藥者

取三升去滓分溫三服半口服盡

歌曰黃病薑翹二兩麻一升赤豆梓皮誇棗須十二能通

竅四十杏仁二草嘉。

蔚按梔子蘗皮湯治濕熱已發於外止有身黃發熱而無內瘀之證此治瘀熱在裏迫其濕氣外蒸而為黃也麻黃能通洩陽氣於至陰之下以發之加連翹梓皮之苦寒以清火赤豆利水以導濕杏仁利肺氣而達諸藥



之氣於皮毛，薑棗調營衛以行諸藥之氣於肌腠，甘草
與安太陰，俾病氣合於太陰而為黃者，仍助太陰之氣，
使其外出下出而悉去也。潦水者，雨後水行，洿地取其
同氣相求，地氣升而為雨，亦取其從下而上之義也。

少陽方

小柴胡湯方

本論無方，此方列於太
陽篇中，今補其方名。

論以口苦咽乾目眩為提綱，言少陽之上相火主之，少
陽為甲木，諸風掉眩皆屬於木，主風上火，言少陽之氣
化也。

論云少陽中風兩耳無所聞目赤胸中滿而煩不可吐
下吐下則悸而恐此言少陽自受之風邪也

論云脈弦細頭痛發熱者屬少陽少陽不可發汗發汗
則譫語此屬胃胃和則愈胃不和則煩而悸此言少陽
自受之寒邪也

論云本太陽病不解轉屬少陽脇下痞鞭乾嘔不能食
寒熱往來尚未吐下脈沈緊者與小柴胡湯此邪從太
陽轉屬仍達太陽之氣從樞以外出也

論云若起吐下發汗溫鍼治語柴胡證罷此爲壞病知



犯何逆以法治之此言當審汗吐下溫鍼四者之逆而救之也

少陽未列專方當於太陽陽明篇求之

太陰方

論云太陰之爲病腹滿而吐食不下自利益甚時腹自痛若下之必心下結鞭此總論太陰氣之爲病也

論又云太陰病脈浮可發汗宜桂枝湯

論云自利不渴者屬太陰也其臟有寒故也當溫之宜四逆輩此二節言太陰病在外者宜桂枝以解肌在內

